

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

U TISTU

Raccolta di poesie
di
Piero Ciccarelli

(dal latino testu: coperchio o vaso di terracotta - Castiglioni e Mariotti, Vocabolario della lingua latina)

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

Carretti Siciliani (1)

I carretti un passanu chiù sutta a casa di la me campagna.
Li ciancianeddi a signalari u passaggu pi farisi sentiri.
Cu scuru passavavu e du scrusciu si capiva di cu era lu carrettu.
U carrettieri si faciva curaggu e compagnia, cantannu li canzuni.
Chi priu a sira sira, mentri di lu sulì d'astasciuni ristava sulu u cavudu.
Ti sintìa mastro Tatò, guastedda.
Dopu 'naticchia passavaTurriddu, zappunuddu, e cantava: " Affacciati alla finestra."
U sapìa ca Cina u vuliva beni e iddu ci mindiva a vuci e un pizzu di cori.
Pua, era la vota di lu zu Caloriu, u cattivu.
Un'era un cantu u so:
era lamentu pi la mugliera persa, pi la vita di vinnuta appressu
a la rina, a li gregna, a li favi sicchi e a la crita e i cuti di lu Fiumucciddu.
U miscunu arristò sulu, la figlia in Francia, u ranni a Londra.
U nicu persu apprissu a lu maluaffari.
Miscunu, u Zu Caloriu, e ia picciriddu ca l'aspittava a li novi di sira.
Ci avissi vuluti diri: canta sempri ca to muglieri è da 'ncapu e ti senti.
U nu vidi cumu cianci? Un su stiddi cadenti, su lacrimi da za Pruvudenza.

Piero Ciccarelli - Mussomeli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

A BEDDA MATRI (2)

Quannu nesci a Bedda Matri un chiovi mai, puru si, na matinata ci fu u sdilluviu.
Che Bedda, cu so mantu d'oru, pari ca ridi tutta priata, quannu scinni dri scalena.
Ogni anno, da quannu accuminciavu a capiri, sintu diri ca un c'è ciù nuddu
ca ci voli mindiri i spaddi e ca i picciutti un hannu chiù fidi e divozioni.
Puà, cumu un miraculu, arrivanu i picciuttazzi cu tantu di spaddi e di pusa.
E accuminncia a prucissioni cu na salita, anzi 'na calata da Madonna.
Unu si stanca a farla a pedi, senza nenti 'ncapu li spaddi, ca machina in secunna, siddu è nova,
masannò ava pigliari a rincursa e un ci à fa u stissu, e ca bicicletta ci voli, Charlie Gaul.
Ma muglieri, palermitana, ma addumanna: cumu fannu a fari u giru du paisi
senza pusari 'nterra a statua e un si stancari e senza u canciu di picciuttu?
Chi vua ca ti dicu, c'arrispunnu ogni annu, chistu è u vuliri da Bedda Matri,
ca mi fici passari, miraculatu, a depressioni a mia e t'aggiustò a carina a tia.

Piero Ciccarelli - Mussomeli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

U TRENU (3)

Vulissi aviri u cori 'nuccenti.
U sa? Comu chiddu du picciriddu
Pi ridiri, pi iucari, pi spinzirarimi
Pi manciari pani e tunazzu
Pi un capiri quantu è tinta a genti
Pi sentimi diri: che spirtu u picciriddu
Pi farimi a pedi u stratuni fina a campagna
Pi un capiri ca nascivu furtunatu
Pi un spirtutarimi i vudedda
Pi un avari ora a varva bianca
Pi un aviri a carina storta
Pi un aviri na martiddrina 'na testa
Avi un bellu pizzu chi un sugnu 'nuccenti
Avi un bellu pizzu ca un criu chiu a 'nenti.
Quannu taliu a u me figliu
U vulissi felici
U vulissi cun u travagliu sicuru ('gniri voli addivintari)
U vulissi furtunatu comu a mia
U vulissi ca addivintassi u patruni du munnu:
U nummu chiddu di picciriddi, chiddu di favuli
U munnu fatti di treni, locomotivi nichì e granni
U munnu di binari sempri latini
Ora è na so stanza, minzu a li libra
Avi a pigliari u trenu
Ia, u persi, na vota e pi sempri.

Piero Ciccarelli - Mussomeli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

MACARI (4)

Un ci puzzu pinzari!!
Cu è ca nu futti, du primu all'urtimu iurnu?
Ma tu ci pinzi?
Stamu cca a pinare
Ogni tantu, macari, i ridimu,
Ogni tantu, macari, ni piaci na picciotta
Dopo, macari, na maritanu
Dopo, macari, iamu a scola
Dopo, macari, arristamu scecchi
Dopo, macari, addivintamu scienziati
Dopo, macari filosofi o contadini cu cirividdu fino.

'Nzumma:

tuttu chiddu chi ni veni di fari
tuttu i propositi e i diavolerie ca spirimintamu
a chi sirvinu?
Na matina, nustramenti sta iunnu a travagliari
Scuppi 'nterra.
Pronto soccursu, spitali, a tacca, a risonanza
a total boby (chi minchia è?)
Tumore, metastasi all'encefalo, (chi minchia è?)
A fisioterapia, a chemioterapia, a radioterapia
E ti futti chidda mia (a vita)
Vo vidiri!! Ca, macari, è chista: A verità assoluta?

Piero Ciccarelli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

MIDEMMA (5)

Midemma. Mi l'aviva scurdatu sta palora
Sulu quannu m'addumannavanu a tessera
E c'era scrittu unni nascivu.
Mussumeli, oramà da tantu timpu
Era sulu un nomi, pi mia.
"Tale cu c'è, midemma, puru tu tu un ci scinni chiu o paisi?"
Era Caluzzu, dopu tant'anni, palermitanu-mussumulisi cumu a mia.
Stu midemma, mi ndrùnò a testa
Mi Calò, nisci fori, na nostalgia, senza spranza.

Ci vini?
Unni?
Unni cacanu i palummi e fannu tummi tummi.

Pachipatopanzopati.

Piglia la quissa ca è 'ngapu la quissa supra la quissa

U roggiu ranni fa u ciccu e nino."

Picchi midemma puru tu tu un scimmi chiu a u paisi?
Nonzi, diciva sempre, ca pua mi sintu mali pi na simana.
Vica ca na tessera sanitaria, ora ca si vicchiu, e va sempri a farmacia,
L'addumananu sempri e c'è scrittu u nomi du paisi e certi voti ci la diri, Mussumeli.
Unnè?
E' na me testa, ni ma pinsiri, nu me cori, na me nostalgia,
'ndurciuniata confusa buiana munzignara traritura.
E'ni sta fitusa tistazza dura, ca quannu ci piglia, midemma maliditta!!
Vulissi nasciri arriri dra un si dici ca c'è l'aria fina.
U Pupiliri, a Porta Russa, U Palazzu, A Chiazza, A Chiazza Ranni.

U cinnirazzu di u me curpu la ta ittari
Ni dru tirrinazzu ca canciò patruni.

Piero Ciccarelli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

UN SUGNU BUONU

(6)

Ci dicivanu a me matri: so figliu u nicu è bonu
Ci dicivanu a me matri: so figliu u nicu è bravu
Ci dicivanu a me matri: so figliu u nicu è spirtu.
Ci dicivanu a me matri: so figliu u nicu è biddu.
Quanti spirtizzi stu figliu u nicu:
cantava supra a seggia i canzuni di carrittiri
sapiva a memoria tutti i risposti du catechismu
fitava ova di carta di pantaloncini
ca vacca faciva u rumuri du furgoncinu di Pasqualinu
ca vacca faciva u rumuri di camion di Dinu
ca vacca faciva u rumuri da lambretta du maistru Calafiore.
Chi risati e chi iurnati spinsirati ni stu paisi 'na staciuni.
Na iurnata s'abbruciò a giglia,
Na iurnata franò a casa
Na iurnata bocciare pi sempri u frati u ranni a scola
Na iurnata lassaru to suru ca era zita
Na iurnata ti ni isti pi sempri a Palermo.
Addintasti siddiatu, scorbuticu, lagnusu, 'ncazzusu e tintu.
Sgarbatu ca genti, amaru chi fimmini, e 'nvidiusu.
'Nvidiusu pi l' autri ca facivanu u travagliu ca pi tia un potti essiri.
Ora si vicchiu è pinsi a u paisi.
Chi minchia vo?
Un sapisti fari nenti na vita e vo u prosita!
Si tintu, 'nvidiusu, sempri siddiatu,
ca carina storta
sempri u mal di testa,
a pressioni alta u diabeti a depressioni
Autru chi bonu, bravu, spirtu e buddu.
Cu i diciva sti minchiati quarant'anni additru?

Piero Ciccarelli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

U PUZZU (7)

Chi è u catu, figliu mia?

C'era u puzzu di acqua surgiva
C'era u catu d'alluminu
C'era a corda grossa nu manicu
C'era l'acqua correnti sulu nu paisi
C'era l'acqua piovana nu puzzu
sirviva sulu pi cosi correnti
C'era l'acqua preziosa nu puzzu
sirviva pi viviri e pi mindiri a pasta.
U puzzu di sorgiva era dra sutta
Langedda, catu, corda, u mutu, sulì e muscuna
cupirchiu di firru e catinazzu.

U catu tucava l'acqua
U lazzu tisu tisu e muscoli ni brazza
Chi priu!: l'acqua nu mutu ca trasiva na langedda.
Langedda supra i spaddi e s'acchianava.
U viuttulu era in salita e faciva cavudu
Tutta na tirata cu i spaddi chi dulivanu.
Quannu pusava a langedda nu sua pustu era contentu.
A mamma mi faciva u prosita e na vasata ca valiva oru.
Autru chi paghetta, figliu miu.
Si persi u piaceri da fatica
Si persi u piaceri di scuttarisi u pani cu caciù
Si persi u piaceri di camminari
Si persi u piaceri di taliari 'nfunnu nu puzzu.
Faciva u nomi da me zita di tannu
E sintiva l'ecu cu nomi di idda.
Si persi l'acqua surgiva du puzzu,
Si persi u sapuri di l'anguria frisca du puzzu
Si persiru u catu, u mutu, a langedda, u lazzu
A vasata da mamma e u pani cu caciù.

Piero Ciccarelli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

A PICCIRIDDA ADDRIVATA (8)

Quanti buttani e quanti curnuti.
Era picciuttu e scriviva poesie
Era sentimentali e pinsava:
l'occhi viridi di Rosa Maria
i capiddi biunni di Cettina
a vucca di Maruzza.
Chi tempi belli e semplici!
Salvatore stava uri a cantunera
sulu pi diri ciao a Geppina.
Calogiru, vidiva na carusa
E subitu si ci vuliva fari zitu
Dopo 'nanticchia pu paisi
Si faciva zitu ufficiali.
Enzo cu Enza si canusciru
D'estati a ballari e sunnu ancora zemmula.
A mia u mi vuliva nuddu,
Ma era ancora nicu .
Pua spirimintavu a strada di paroli
'Ncatava le ragazze
Accuminciavu a nesciri mani manuzzi
E drucu mi firmava.
Cu era u fissa?
Sintiva di amici ca passavanu a iornata a futtiri,
Du, tri ziti 'nezzula, una pa matina e una pa sira.
Ma parò c'era a picciridda ca s'addrivava
E avia divintari to muglieri
Cu l'autri si babbia.
A pinsata era giusta.
Ma parò pi Mariu un fu accissì.
Futtinnu futtinu
S'appi a maritari chidda sbagliata
E a picciridra addrivata arristò signorina.
Cu era u spirtu?
Ia ca sugnava castelli in aria e a regina da casa
E mi maritavu ranni e a megliu du mommu
O Mariu ca 'ncucciò e appi na vita disperata:
A sua e chidda da picciridra addrivata.
Gran curnutu! cu a mugliera buttana
Ancora l'aspetta a picciridra addrivata.

Piero Ciccarelli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

A PALORA

(9)

Pi mia a palora è comu u pani pi manciari
Pia mia a palora è cumu u saliatu 'na pasta
Pia mia a palora è cumu u latti appena muntu
Pia mia a palora è cumu u vinu di la vigna
Pi mia a palora è nill'aria e s'avà affirari
Pi mia a palora si mindi una appressu all'otra
pi farisi capiri di la genti ca ancora cridi a i sentimenti.
U sacciu ca ma moriri e dopu un putemu parlari chiù.
E allura allistimuni: scrivimu, mannamu e-mail, facebook e sms.
Vulissi essiri u primu a 'nsegnarimi cosi cumu a quissi, appena i spirimantanu.

Na vota, si scrivivanu i littri a zita e si ci diciva ca uno a vuluva beni.
Amuri mia spacunciratu, ia u nu scrissi mai.
Mi piaciva babbiani cu i fimmini,
Mi piaciva iri a ballari e fari u latin lover
Mi piaciva fumari e a sira 'mbriacarimi e mindiri u discu di Rachmaninov.
Mi piaciva scriviri palori ca ia sulu capiva: u duluri l'aviva dintra u cori.
U iurnu aviva tanti chiffari, ma a sira era sulu, e c'era u vinu.
Mi du cumpagnu tradituri!!: prima mi faciva ridiri e dopo ittari vuci e chianciri.

Di luntanu, a dra banna a cantunera à vitti arrivari.
Mi, chi fu!! Vinu, sigaretti, li mannavu a fari futtiri.
Ora u me cori è sempri allegru, haiu i dulura pi l'età, ma mi ni futtu.
U me figlu tecnologico mi 'nsegnò u computer e scrivu na tastiera.
Palora o parola, u stissu è: mi vasta ca puzzu fari sapiri ca sugnu vivu
e ca mi viunnu 'ntesta belli pinsieri.
Si pua u scrivu in sicilianu o in italianu chi 'mpurtanza avi.
Binidittu cu spirimintò a parola (palora).
Avimu a parlari, scriviri, dipingiri, fari sculture,
cantari e sunari e vidiri ne facci: bianchi, nivuri, gialli, russi e cirlicachi.
U Signiruzzu, ca fa sempre cosi giusti,
Picchi un 'nvnto i stissi palori pi tuttu u Mummu?

Piero Ciccarelli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

I PATRUNA (10)

Quannu era nicu mi dicivanu: u patruniddu
Mi 'zingnaru ca u viddanu travagliava pu patruni.
C'eranu tanti patruni:
u patruni da putìa,
u patruni du mascu d'ascia
u patruni du ferraru,
u patruni du saluni,
u patruni di casa
u patruni da campagna.
E u viddunu, zappava zappava
E u viddanu mitiva mitiva
E u viddanu spagliava spagliava
'Nta stasciuni, u patruni da robba
Si futtiva mità du travagliu
E u viddanu taliava taliava.
A stissa mità mancu sa portava a casa,
l'aviva a purtari propria cu i so muli u viddanu
u frumentu nu magazzinu du patruni.
E ia taliava sti cosi e mi pariva ca u Munnu era chistu.
"Avanti popolo." "Bandiera rossa."
"A fangi e martiddu" "I Signiruzzu era comunista"
"I tirrena a cu ci travaglia" "A leggi Vullo"
Napucu ci critturu e i patruna si cacaru di supra.
Comizi, na chiazza e scupittati campagni campagni
A mia sti così mi cuntaru.
Puà vinniru gli Indilimani e Berlinguero e la spranza ca i cosi canciassiru.
Certu, i patruna di na vota un ci su chiù.
N'aviamu unu sulu e voli cumannari pi tutti.

Piero Ciccarelli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

U PIRTUSU

(11)

A vuci di Mariuzzu, era pi mia l'estati
Mi faciva susiri cuntentu: era a vacanza.
Attìa carusu, chi facisti a scola,
Attìa curusu cumu sta to matri,
Attìa carusu cumu sta to suru
to frati, chi fici, passò?
Chi erano frischi l'ova da za Vicia!!
Dici a mamma mi duna, ca pua ci u paga
U fici u caciù, zu Ciccu? ca pua ci u paga
Za Cuncè, un quilu di custi, ca pua ci u paga
Za Grazia ducintu di caffè ca pua ci u paga
Si rumpì u macininu di ogiall'annu
Mu duna chiddu marroni ca pua ci u paga.
U bagliu era u me castiddu e c'era un muru fattu di issu
Tanuzzu c'aviva fattu un pirtusu ca cummigliava ca ciarmarita.
Ancora un c'era a talavisioni e a unu a unu taliavamu nu pirtusu.
Si vidìa na vecchia sgrammigliata, tutta panza, sempri lorda
Idda u nu sapìa ca taliavamu , si raspava e piritava,
Faciva sempre pasta chi fasoli, a puvuredda.
Un figliu in Francia e na figlia a Albenga a fari scarpi
E u maritu a u cimiteru cu na ficciridda di ottanni.
Sempri nervusa, si sciarrava cu tutti e a i picciruddi
Si pigliava ci dava muzzicuna e pugna ni spaddi.
Tanuzzu, Vastianu e ia na matina di cavudu
Nu pirtusu taliavamu: era ittata 'n terra cu culu di fora
A funcia storta e i gammi tisi tisi. Vitti a morti da Za Catarina
Ogni tantu, ci pinzu a dru pirtusu. Mi scantu ancora.

Piero Ciccarelli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

ANTONIO

(12)

Simu ancora cca a cuntarini cumu passaru l'anni.
U commissariu pa amuri di so figlu e da mugliera
Si scantò da machina abbrusciata e sinni ì dra fora.
Cu ci lu dissi di un taliari a strata, ammeciuca di pinsari
A i pirtusa 'nti li vrazza di so figlu: un vulu fici.
U cuzzu 'nterra sbattì, mentru u muturu si fracassò no palu.
A testa di calabrisi aviva, ma era troppu spirtu, u stissu
L'amici u nu scurdamu, pensa si fussi cu nuatri!!
Navissi dittu: a morti cumu a vita a mia u mi fa nè cavudu nè friddu.

Piero Ciccarelli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

A GIGLIA

(13)

A giglia pigliò fucu
I fastuchi si li mangiaru i ciauli
Mi ristarù sulu l'occhi pi cianciri
Chiddi su ancora mia.
Cumù è ancora mia 'na ricchezza
Ca u na spartu cu nuddu.
Sacciu mindiri appressu tri parole
Fatti tutti di me ricurdi:
A puzza da casa vecchia,
Du gaddinaru, da stadda e di pidi du viddanu.
U pipì, u purcu, i minnuli, i nuci,
u frumentu accatastatu nall'aria,
a spagliata; sardi salati e tumazzu friscu.
E pua u citratu da Nuciddara
A i vurraini da Lannara, a vaccina di Cuncetta.
A paesenella di Vastianu, i viscuttina di l'Occhiuta .
E i papilu di pruvulazzu di li favi ni Ciccu la Gatta.
U profumu di 'incunsu da Madonna du Carminu.
E i lignati di me frati picchè turnava sempri lurdu.
Giampaulo, i Gemelli, Eluccio, Turuddu, Mara Grazia,
Geppina, Rituzza, Vastianu, Tanuzzu, Vicia, Ciccina,
e pua u furgoncinu di Pasqualinu. Quanti turriati...
No, chisti su cosi mia e a me cassaforti u na punnu scassari,
A giglia s'abbruscìò, ma i fastuchi mi purtanu ogni annu, u stissu
I cialu no, ma chiddi i trivavu purù a Palermu.

Piero Ciccarelli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

U PALLUNI

(14)

Senza ca ni capiva nenti,
Faciennu compagnia a u me cumpagnu
E macari a lignati stava finennu
Villa Tasca- Rigamonti zeru a unu.
U zu Pietru, Giovanni e zu Pippinu
Mi dissiru di curruri e scappari.
A mia u mi pigliaru
A Giovanni a cincucintu ci scassaru.
Nascì accussì l'amuri pu palluni
Na fitinzia di partita malamenti
Cu un calciu di riguri arrubatu
Chi fu... na magaria?
M'obbrigò pi sempri
A vidiri mentri s'arrutulia
Stu palluni ca pari un soffriri
Su piglianu a cauci e tistati.
Penza 'nanticchia!!
Ti senti disperatu
E tuttu 'nzemmula
T'adduni ca unnicì contro unnicì
C'assicutanu na cosa tunna tunna
Ti fannu sendiri cuntentu e ti scurdi
Pi un'ura e mezza i guai e macari a zita.

Piero Ciccarelli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

PECUNIA OLET

(15)

A vita è fatta pi stari 'nemmula
Ci si iunci e ci si sparti
Puru u fitu pari profumu
'Nzina a quannu cummeni
A puzza di la merda si senti u stissu
Macari ca a cummigli
Cu li grana

Piero Ciccarelli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

U MASCULU

(16)

U masculu ci prova sempri
Accumencia pi babbiari
Quannu po', dopu tanticchia
 Scappa
Spissu, ma parò, ci lassa i pinni
U ficatu, u cori e u cirividdu.
Scivinnu pi vintanni minchiati
A facinnusi sfuttiri di l'amici
E farisi pigliari cumu no scimuniti
I fimmini sunnu tanti
Una sula ti futti, sulu ca unnè to muglieri.

Piero Ciccarelli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

U SCECCU

(17)

Quannu u sceccu un voli viviri
Inutili ca ci frischi
E si u punci 'na muntata
Macari acchiana
Ma pua ti iatta un piditu
Chi fai ti tini u piditu du sceccu
Chi fai ti arrabii e u pungi ancora
Chi fai ci duni un catu accussi vivi
Chi fai ti u lassi sulu 'mizzu a strata
Chi fai circhi u patruni e iddi cu a pazienza
U fa acchianari o u gira a testa sutta e piedi all'aria
E chi fa ci spara, ma cu chi cosa,
Cu nautru piritu?
Cummu viditi avi sempri ragioni u sceccu.

Piero Ciccarelli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

L'AMURI

(18)

Unni eri bedda ammucciata
A curpa fu di na cozza avariata
A pillula era sulu pu cacaruni
Ia capivu natra cosa.
Chi capivu? Era tristi, ci mancava l'amuri.
Un sulu chiddu. Ci mancava cu a vuliva beni
A casa cu patri patruni e na matri ca un ci stava ca testa.
Arrivanu giustu in timpu,
Mi l'aviva scurdatu puri ia, l'amuri.
U me cori aviva divintatu na petra dura
Aviva fattu u testamietu: un c'era spaziu chù pi fimmini.
Di na cantunera a vitti arrivari a passu listu.
A funcia, l'occhi, cumu mi piaciru.
Mi dissi: ma chista cu è, d'unni spuntò?
Mi addumannò a chi ura ci putiva 'nzignari a machina.
Chi fu, un curpu 'nto pittu e un pugu no stomacu, minchia, mi l'aviva scurdatu.
Mi regalaru un chilu di cozzi e mi ficiru mali
Chi cursa a pigliari l'Immodium, ca mi purtò.

Nasci l'amuri.
Pinsavu, ora ci u dicu.
A notti quasi quasi mi mancò lu ciatu.
Siumu 'nemmula da trentanni ,
A mia mi pari ca u namu ancora accuminciatu

Piero Ciccarelli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

SUGNU CUNTENTU

(19)

Sugnu cuntentu, ca potti vidiri u sceccu di “cacaladdritta”
ca firriava ‘ntunnu ‘ntunnu a fabbrica di issu a matina e a sira faciva: cichi cichi...
Quanti muli, figli d’iddu, inchivanu i campagni e scacciavanu li gregna.
Sugnu cuntentu, ca Turiddu mi faciva fari u “giro” nu carrettu a carriari stirru.
A sira, dopu i lignati, me matri pigliava a spazzola pu pruvulazzu e quadiava l’acqua.
Sugnu cuntentu ca vittu li vistii abbivirarsi na brivatura
prima ca a livassiru pa allargari u stratuni pu Castuddu e a Mappa.
Sugnu cuntentu ca sindiva a puzza da carogna scurciata sutta u ponti:
fiutu concimi fumularu crita, canali stisi a asciucarsi, sporta ca spisa,
bicicletta ca rota ‘nterra e a catina scucciata, nummaru vintiquattu.
Suli sulì sulì tantu sulì, cavudu cavudu cavudu, ‘na botta di cavudu.
Sugnu cuntentu, ca notti di San Lorenzo vidiva cadiri i stiddi a una a una.
Ogni vota un desiderio: fariri arrinesciri a scola, farimi addivintari ‘mpurtanti,
farimi truvati na zita bedda, farimi divintari atturi cantanti icucaturi ciclista currituri a pedi,
cronista sportivo , pugili no, surdatu no, e mancu a banca vuliva trasiri.
I picciuli, mimmi futtu, un vuliva divintari riccu vuliva sugnari sempri, nu Peter Pan.
Cummu camad’ora ca pinzu, a u prutè e a u passa dra, e mi veni di chianciri. Sugnu cuntentu...

Piero Ciccarelli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

U PASSU DI ME PATRI

(20)

Un sintia passari mai li so passi
quannu vinìa a darimi la vasata di la notti.
Un nu sintia passari quannu, stancu arrivava
dopu u travagliu e mi vasava e m'addumaddava chi fici a scola.
Un nu sintia quannu mangiava a mezzurnu
e quannu astutava a luci pi dormiri.
Unnnera mai a casa lu me patri
si lu purtaru na sira maliditta e ia cianciva
un sapià mancu picchè (a panza e lu tabutu)
Tinni isti senza salutari e senza daviri a vasata
ca aspittu ancora, dopo ca puri ia haiu picca capiddi e a varva bianca.

Piero Ciccarelli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

A 'NTINNA

(21)

Quannu criscivu sappi ca a 'ntinna si chiamava: albero della cuccagna.

Pa Madonna da Catina, a lu Castuddu, mindivanu un piizzu di lignu tisu e lungu lungu e ci passavanu u sapuni muddu pi fari sciddricari.

Vinciva cu pigliava, a 'ntinna: un gaddruzzu, cincu quila di cacio, mezzu agnidduzzu, carni di crastu, sasizza, e così duci; viscuttina, cubaita e miluna russi e tutto u beni di Diu, quantu bastava pi na manciata di festa e ringraziari u Signiruzzu.

Ci pruvavanu tutti, un sulu vinciva ed era festa pi tutti, mezzu a dru pittittu.

Ora a talavisioni mi pari l'arbiru da cuccagna: granni fratello, fattoria, l'eredità, chi vuole essere milionario e na pucu di minchiati pi fari capiri ca s'arricchisci accusi senza fari nenti, dicinnu parulazzi, cula, mimmi e funcia vunciati.

A 'ntinna era un iocu e u viddranu u sapìa ca u suduri era natra cosa e chi fa puzza.

Puzza biniditta si lu figliu addivintò dutturi di lu cirividdu e profissuri di taliannu o presidi da scola unni s'inigna a fari li casi e a misurari i tirrena e a fari i cunta pi l'Alimagna.

A 'ntinna era un iocu, u pani è duru e u viddranu si n'appi a ghiri furastieru, ma u figlio ora è dutturi, profissuri, preside, scrivi pu tiatru, scrivi canzuni, fa u pitturi e u fotografu artisticu 'nternazionali, fa l'attore di teatri e di celluloidie, a Parigi mindi i sordi pu cinamu, scrivi poesie, sapi tutti di li chiesi du paisi e fa u giornalista e u criticu di libra.

Chista è a vera 'ntinna e a cuccagna è ne vrazza e nu suduri.

Piero Ciccarelli

Bibliografia Mussomelese

Scrittori, poeti, letterati, storici, studiosi, ricercatori, artisti di Mussomeli

IL FINE

Piero Ciccarelli
Bibliografia Mussomelese
Mussomeli
Caltanissetta
Sicilia